



Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 15. Indulgentia prius in centesimum quemque annum constituta
decernitur in quinquagesimum.

[urn:nbn:de:hbz:466:1-66305](#)

longo tempore, quoties proscripti mane- **Sæcul. XIV.**
bant contumaces, Episcopi solebant pe- **A.C. 1243.**
tere, ut illi in carcerem mitterentur. At
interdum hi captivi, cum se satisfacturos
Ecclesiæ præde dato promitterent, a Re-
ge impetrabant mandatum, ut liberta-
tem reciperent: quod tanquam erratum
grave conqueritur concilium.

§. XV.

*Indulgentia prius in centesimum quem-
que annum constituta decernitur
in quinquagesimum.*

Cunctis a Regibus gentibusque vene-
runt legationes ad novum Papam
Clementem, sed solemnissima Romano **a Bal. p. 286.**
populo, qui misit duodeviginti cives suos, **913**
sex de quovis statu, de summo, medio,
& infimo. Tria potissimum postulabant:
& primum quidem, ut acciperet mune-
ra Senatoris, Ducisque, & alias dignita-
tes urbanas, quas ei offerebant per vitæ
spatium tenendas, nec tanquam Papæ
Clementi VI, sed ut Domino Petro Ro-
gerio. Deinde, ut & Romam, & tem-
plum Lateranense omnium præstantissi-
mum, & suam sedem adiret post tam lon-
gam Paparum absentiam. Postremo, ut
noxarum veniam per Bonifacium VIII
anno centesimo junctam annexeret quin-

M m 4 quage-

Sæcul. XIV. quagesimo, cum paucissimi homines annos centum viverent.
A.C. 1343.

Ad petitionem primam Papa reposuit se Romanas dignitates accipere ea conditione, ut ne sibi officerent. Et vero vix cohærebant summa cum potestate: ut jam observavimus. Ad alteram respondit, se ire Romam, ut maxime cuperet, tum quidem haud posse. Sed tertiam ratam habuit, ediditque diploma, cuius initium *Unigenitus*, & summa hæc erat: Dei Filius immensum nobis meritorum thesaurum comparavit (cui accedunt Beatissimæ Virginis & omnium Sanctorum merita) & hujus thesauri dispensationem S. Petro ac successoribus ejus commisit. Hoc fundamento nixus

Sup. lib. 89. Papa Bonifacius VIII decretivit, ut plenam omnium noxarum veniam obtinerent ii, qui anno 1300, ac deinceps centesimo quoque anno Romana SS. Petri & Pauli templa frequentarent. In lege autem Mosaica, quam spirituali modo adimpletum venit Christus, annus quinquagesimus erat facer, eoque remissa sunt debita.

Brevis etiam est vita hominum: & pauculi ætatem annorum centum attingunt. Itaque, quo plures hanc affuantur indulgentiam, concedimus eam singulis, qui anno 1350, & posthac in perpetuum quinquagesimo quovis anno vere poenitentes ac confessi templa SS. Petri

Extrav.
com. de pœn.
c. 2.

Levit. 25.
v. 10.

tri & Pauli, ac Lateranense S. Joannis aecul. XIV.
per dies minimum triginta continuos, si A.C. 1343.
sint Romani, si vero exteri sint, per dies
quindecim obibunt. Dabat 27 Jan.

1343. Hic templis Principum Aposto-
lorum additur Lateranense: atque inibi
primum hæc indulgentia comparatur
cum debitorum condonatione anno sacro
legis antiquæ facta.

§. XVI.

Robertus Neapolis Rex moritur.

Eodem tempore, scilicet 19 Jan. Rober-
tus Neapolis Rex e corpore excessit
annos natus sexaginta quatuor circiter:
postquam triginta tres & amplius regna-
verat. Ita Joannes Villanus, qui adjun- J. Vill. l. 12.
git: Hunc ego dixerim Regum, quos c. 9.
Christianus orbis per secula quinque ha- Bal. to. I.
buerit, sapientissimum tam a judicio na- p. 245. 288.
turali, quam a doctrina: erat enim Theo-
logus magnus, ac excellens philosophus,
simulque benignus, amabilis, & cunctis
virtutibus ornatus; nisi quod ab ineunte
senio avaritiæ labem contraxerit per spe-
ciem belli ob recuperandam Siciliam.
Et vero thesaurum magnum reliquit Re-
ginæ Joannæ nepti suæ, quæ, cum dees-
set proles mascula, illi successit. Patrem
ea habuit Carolum Calabriæ Ducem Re-
gis Roberti filium an. 1328 mortuum:

M m 5 atque